



Future-proofing our children

Sikolo sa la Sunda 3

Toho ya Tuto

Silalo se si kenile

Buka ya Bashemi

Sikolo sa la Sunda sa mwa malapa



Balatiwa Bashemi

Mu amuhelwa kwa tuto ya “**Silalo se si kenile**” ya sikolo sa banana sa la Sunda 3. Pampili ye, imi tusa hainyani ka mo, muswanel ku fela tuto ye:

Mo muswanela ku itukiseza ni fa tuto ye

Ze tatama ki zeñwi zeo mu swanela ku ezeza mwa ku itukiseza ni ku fela tuto ye.

Muhato	Sa kueza
1.	Mu kena fa likepe la Keleke ya ba Apositola ba Banca, ka ku sebelisa likepe le fa WhatsApp: https://bit.ly/3NACSSHS
2.	Mu be ni lisebeliso ze tatama kuli mu kone ku tukiseza kufa hande tuto: - Bibele - Ma pampili a likisizwe kale a tuto ye. - Buka mwa sebeleza mwanana, lopitoloto ni lipendiso za banana, ni zeñwi cwalo. - Video ye lukisizwe, ye kona ku sebeliswa ku ekeza fa halimu a tuto (ha ku konahala) - Katekisema ni buka ya lipuzo ni likalabo (Kwa banana ba bali mwa lotopa za Tiisezo) Mamela: 2.1: Nako yende yakufa tuto ki la Sunda ka kusanani, ka samulaho a sebelezo, sina banana ha ba fiwanga lituto ka nako yeo. 2.2: Mukupiwa ku eza tuto ye bukuswani ha ku konahala, ka ku hupula nako nyana yeo banana ba kona ku teezeza ni ku utwisisa hande. (Mu sike mwa bulela ze sa a mani tuto) ya mwanana – Mina ki mina mu ziba ahulu mwana mina ni ku fita. <i>Ka mulao, sikolo sa la Sunda hasi swaneli ku fitelela mizuzu ye mashumi a mane nito tu keta lizoho (45 minutes).</i> 2.3: Lituto li kau hanyizwe ka itopa (Sikolo sa la Sunda, Lituto ya Bibele ni Tiisezo - SS1, RI1 or Confirmation). 2.4: Mulizeze kapa ku ikopanya ni muluti wa ba sikolo sa la Sunda ha mu tokwa tuso kwa lisebeliso ze bulezwi.
3.	Mu lapele (Mubone tapelo ye ñozwe, kwa mafelelezo) mi mukupe Mulimu kuli ami eze sisebeliso mwa kufa tuto ye, ka mwa latela Yena.
4.	Mu eze sibaka sa tuto kuba se sinzi hande (ku sina lilata) foo mina ni mwanana mu bani ni buino bo buswana. Ka mutala: Mu ine fa lishasha/ fa museme kapa fa lipula ku potoha tafule
5.	Mu bale tuto ye lukisizwe. Mu kutele ku ibala hape kuli mui utwisise hande. Mu buhe video ya tuto kuli mube ni kutwisiso hande ya tuto.
6.	Mu iñolele tu ñusanyana twa butokwa to mubata ku hupula ha mufa tuto.



Mufe tuto ya Sikolo sa la Sunda mwa Malapa

Mo kuswanehela ku itukiseza ni fa tuto ye

Lu zwela pili ku mifa mikwa, yeo muswanela ku itukiseza ni ku fa tuto ye.

Muhato	Sa kueza
7.	Mu utwisise butokwa bwa tuto, yeo mwanana a swanezi ku mamela ni ku sa libala.
8.	Mu fe mwana mina tuto ye, ka ku mukandekela likande la tuto. Mu kona ni haiba ku mu balela likande le ha mu tabela.
9.	Mu supeze mwana mina video, mi muketele butokwa mwa tuto ye.
10.	Mu bulelele ni ku susuweza mwana mina kuli a eze musebezi o mwa buka ya hae, ya sikolo sa la sunda.
11.	Mu lapele kapa mu kupe mwanana kuli a lapele kaku kwala tuto.

Lisebeliso ze fumaneha ku amana in Sikolo sa mwa malapa

Ze tatama ki lisebeliso ze kona ku ekeza ni ku tiiseza butokwa bwa tuto:

1. Mu eze WhatsApp chat tuto ye ni mabasi amanwi a sikolo sa la sunda.
2. Mu ambole ni bashemi ba banwi kuli mube ni kutwisiso ku amana ni tuto pili mu sika ifa kale ku mwana mina.
3. Mu be baba lukuluhile, ku batisisa litaba zemwi ku amana ni tuto ye.

	



Tuto

Toho ya tuto	Silalo se si kenile
Timana ya Bibe	Mateu 26: 26 - 28
Mutomo/ butokwa bwa tuto	Banana ba taba ka ku amuhela silalo se si kenile. Ba lemuha taluso ni butokwa bwa mukiti woo.

Tuto ye kusufalizwe:

Tuto ye i amana ahulu ni za sakramente ya silalo se si kenile.

- Pili Jesu a sika shwa kale, na tomile silalo se si kenile nako ye ne ba ca mulalelo wa mafelelezo ni ba Aposiola ba hae, ili kupuzo ya manyando ni lifu la hae.
- Luca silalo se si kenilela mwa lisebelezo ze kenile.
- Se si tisa kuli lube ni sizwale se si tiile ni Mulena Jesu sina ba Aposiola ka nako ya mulalelo wa mafelelezo ni bukeleza bupilo bo busafeli bwa myoya ya.
- Mubili ni mali za Jesu lina ni mata a lu tusa kwa u koma sifi ni sifi se si kona ku lupalelwa/ ku hanisa puluso ya luna.
- Kacenu, sebelezo ilu lukisa ku ca silalo se si kenile.
- Lu lapela tapelo ya Ndata luna. Ka samulaho, libi za luna za swalelwa, ze li eziwa ki mueteleli fa katale ili mwa tapelo- tapelo ya pako/swalelo.
- Silalo se si kenile cwale sa keniswa. Ka ku eza cwalo, mueteleli u bulela manzwi mwa tapelo a swana ni manzwi ana bulezi Mulena Jesu nako ya mulalelo wa mafelelezo. Mu bale Mateu 26: 26-28.
- Ka keniso ye, mezi aba ni maata a bupilo bwa Jesu mwana Mulimu.
- Ha ku fiwa silalo se si kenile, mueteleli u bulela kuli: “Mubili ni mali za Jesu li fiwa ku wena” mi lu alaba ka ku bulela “Amen”.
- Ka ku ca silalo se sikenile, lu ba bukaufi ni Jesu sina ba Aposiola ba hae mone ba inezi bukaufi ni yena zazi la mulalelo wa mafelelezo.
- Lu amuhela maata aku imbweshefaza luna bañi ni ku koma sibi. Jesu na lu file maata aku siya ze maswe ni ku eza zende.
- Nako kaufela ha lu ca silalo se si kenile, lu swanela ku eza cwalo ka tabo ni ka ku hupula sitabelo sa Jesu Krete.
- Sinkwa se lu sebelisa sina ka silalo se si kenile, ki sinkwa se si sina ze funduluka, mi ku sona, kuna ni tu lotoli to tulalu twa waine (veine) ni taku ya pili A= makalelo ni taku ya O= mafelelezo mwa litaku za ma Gerike. Ze li talusa kuli Jesu Krete ki makalelo mi hape ki mafelelezo.



Kanti tuto ye italusa sikamañi ku luna kacenu?

- Silalo se si kenile ki sakramente.
- Ne si tomile ki Jesu yena kasibili, ili kupuzo ya manyando ni lifu la hae.
- Lu ca silalo se si kenile, silu fa tamahano ni ku lu tisa bukaufi ni Jesu.
- Jesu u lufa maata mwa silolo se si kenile, aku tula ze maswe kaufela ni ku eza zende.
- Lwa nyakalala ni ku itumela ku ca silalo ili mwa kupuzo/kuhupula ka za sitabelo sa Jesu Krete ku luna kaufela.

Lipuzo zemwi ze lukona ku buza:

1. Tu lotoli to tulalu to tu fubelu ni ma swayo a fumaneha fa silalo se si kenile li talusa sika mañi?

Kalabo: Tu lotoli to tulalu to tu fubelu ki waine (veine) mi tu yemala mubili wa Krete, taku ya pili A= makalelo ni taku ya O= mafelelezo ki litaku za pili ni za mafelelozo mwa litaku za ma Gerike. Ze li talusa kuli Jesu Krete ki makalelo mi hape ki mafelelezo.

2. Lu fumana lili swalelo ya libi?

Kalabo: Libi za luna li swalelwa mwa tapelo ya pako/swalelo ha se lu lapezi tapelo ya mulena. Ka ku ca silalo se si kenile, lu ba ni silikani/si zwale ni Krete. Lu amuhela maata aku siya/ ku sa eza sibi.

Tapelo ya Bo Ndate ni Boma ye fiwa pili tuto isi ka tateka:

Mulimu ya lateha. Lwa itumela kwa lizazi la kachenu

Ulufoyole kaufela luna

Tusa kuli lukone ku lemuha ku bateni kwa Hao

Fuyola tuto ye lu taba ni yona

U lu hupulise kuli lu ku lapele mwa linako kaufela

U lutuse ku itumela nako kaufela mi lwa itumela kwa sepiso ya kuli

kozo ya hao ikaba ni luna

Luma Jesu ato lunga

Mi ulutuse kuba baba itukiselize ku mukatanyeza

Mwa libizo la Jesu lwa lapela

Amen